

প্রবাস

ইতালিতে কন্টেন্ট ক্রিয়েটর বনি আমিনের ওপর হামলা

প্রতিবেদক: প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



কন্টেন্ট ক্রিয়েটর বনি আমিন, সংগৃহীত ছবি

ইতালিতে বাংলাদেশি বংশোদ্ভূত অস্ট্রেলিয়ান কন্টেন্ট ক্রিয়েটর বনি আমিনের ওপর হামলার ঘটনা ঘটেছে।

সামাজিক যোগাযোগমাধ্যমে ছড়িয়ে পড়া ভিডিও ও বিভিন্ন সূত্রের দাবি অনুযায়ী, একদল ব্যক্তি তার ওপর চড়াও হয়। অভিযোগ করা হচ্ছে, হামলাকারীদের মধ্যে কার্যক্রম নিষিদ্ধ আওয়ামী লীগের সমর্থক বা নেতাকর্মীরা ছিলেন।

স্থানীয় সময় মঙ্গলবার দিবাগত রাতে দেশটির রাজধানী রোমের বাঙালি অধ্যুষিত এলাকা তরপিনিয়াত্তারায় এঘটনা ঘটে।

তবে এঘটনার পরপরই ইতালি কার্যক্রম নিষিদ্ধ আওয়ামীলীগের একাধিক নেতাকর্মীরা এই হামলার কথা স্বীকার করে সামাজিক যোগাযোগমাধ্যম ফেসবুকে একাধিক পোস্ট করেন, এবং দাবী করেন যে ইতালি কার্যক্রম নিষিদ্ধ আওয়ামীলীগের সাধারণ সম্পাদক

আলমগীর হোসেনের নেতৃত্বে এই বিতর্কিত কন্টেন্ট ক্রিয়েটরকে প্রতিহত করা হয়েছে।

ঘটনার পর বনি আমিনকে আর সামাজিক যোগাযোগমাধ্যমে দেখা যায়নি। তবে নাম প্রকাশে অনিচ্ছুক স্থানীয় প্রবাসী বাংলাদেশিরা জানান, "তিনি হাসপাতালে প্রাথমিক চিকিৎসা শেষে বিষয়টি নিয়ে আইনের দারস্থ হয়েছেন"।

এদিকে ঘটনাটি নিয়ে প্রবাসী বাংলাদেশি কমিউনিটিতেও ব্যাপক আলোচনা-সমালোচনা শুরু হয়েছে। সামাজিক যোগাযোগমাধ্যমে অনেকেই ঘটনার নিন্দা জানিয়ে দোষীদের বিরুদ্ধে আইনগত ব্যবস্থা নেওয়ার আহ্বান জানিয়েছেন।

এ বিষয়ে অভিযুক্ত পক্ষের আনুষ্ঠানিক বক্তব্য পাওয়া যায়নি। ফলে হামলার প্রকৃত কারণ জানা যায়নি। তবে কার্যক্রম নিষিদ্ধ আওয়ামীলীগ নেতাদের কথায় বাংলাদেশের রাজনৈতিক পক্ষপাতিত্বের বিষয় উঠে আসে। এছাড়াও হামলার সময় বনি আমিনকে মৌলবাদী বলে কিল-ঘুষি ও লাথি মারছিলেন হামলাকারীরা।

তাই ধারণা করা হচ্ছে বাংলাদেশের রাজনৈতিক মতভেদের জেরে সহিংসতার এমন অভিযোগ উদ্বেগের সৃষ্টি করেছে। স্থানীয় আইনশৃঙ্খলা বাহিনী বিষয়টি তদন্ত করলে প্রকৃত ঘটনা ও দায়ীদের বিষয়ে আরও স্পষ্ট তথ্য জানা যাবে।

বনি আমিন একজন ভ্রমণ পিয়াসু মানুষ। বাংলাদেশী বংশোদ্ভূত এই অস্ট্রেলিয়ান নাগরিক বিশ্বজুড়ে ভ্রম করে কন্টেন্ট বানায়। ভ্রমণের উদ্দেশ্যে তিনি গত দুইদিন যাবত রোমে অবস্থান করছিলেন।

এ বিভাগের আরও খবর



মালয়েশিয়ায় ৩৬৪ বাংলাদেশিসহ ৪৭২ বিদেশি আটক
মালয়েশিয়ার রাজধানী কুয়ালালামপুরের প্রবাসী অধ্যুষিত বাণিজ্যিক এলাকা কোভারায়ায় যৌথ বাহিনীর অভিযানে ৩৬৪ বাংলাদেশিসহ ৪৭২ বিদেশি নাগরিককে আটক...



ভাড়াটিয়ার সঙ্গে বারবিকিউ নিয়ে বিরোধ, কানাডায় ভারতীয় বংশোদ্ভূত নারী গ্রেপ্তার
কানাডার সার্নেতে ভাড়াটিয়ার সঙ্গে বারবিকিউ নিয়ে বিরোধের জেরে ভারতীয় বংশোদ্ভূত এক নারী গ্রেপ্তার হয়েছেন। একের পর এক সংঘর্ষের ভিডিও সামাজিক যোগাযোগ...



বাংলাদেশ থেকে ১০ হাজার কর্মী নেবে ওমান
বাংলাদেশ থেকে ১০ হাজার কর্মী নেবে ওমান। এর মধ্যে ৫ হাজার কৃষি শ্রমিক এবং ৫ হাজার নেওয়া হবে মৎস্য শ্রমিক হিসেবে। এ বিষয়ে দুই দেশের মধ্যে এক...



সৌদিতে পোশা কারখানায় আগুনে নিহত ৯ জনের মরদেহ দেশে আসছে বিকেলে
সৌদি আরবের রিয়াদে অগ্নিকাণ্ডে নিহত ১৬ বাংলাদেশির মধ্যে শনাক্ত হওয়া ৯ জনের মরদেহ আজ দেশে আসছে। তাদের মধ্যে সাতজনের বাড়ি নওগাঁর আত্রাই উপজেলায়...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/probash/italite-kntent-kriyetr-bni-amin-opr-hamla>